

## Ancash - Espiritu Quiquintsicpa Cäyitserqan - SW Intro Scriptures

Lucas 17:5 Tsenam apostolnincuna Teyta Jesusta queno mañacuyarqan: —  
Yanapecalläyämë mas marcäcalläyämunäpaq —nir.

Romanos 10:17 Tsemi alli willaquita wiယacurninraq marcäcoq ticrarintsic y tse  
willaqui wiယanqantsicqa Jesucristupa willapäquininmi.

Lucas 11:1 Juc cutim Diosman Jesus mañaquicarqan. Mañacur ushariptinnam,  
jucnин caq disipulun queno nerqan: —Teyta Jesus, Diosman mañacuyänäpaq,  
noqacunatapis yachecatsiyämë, bautisacoq Juan disipuluncunata  
yachatsishqanno.

1 Timoteu 2:1-4 Canan quecunatam neq: Rogacushun, mañacushun,  
suplicacushun y grasics nüçushun Diosnintsicta llapan nunapaq. 2 Mañacushun  
jinantin nasioncho gobiernucunapaq y autoridacunapaq. Tsenopam alli  
pasaquicho imapaqpis mana yarpacakashpa, Diosnintsicta respetarnin pe  
munashqanno cawacushun. 3 Tseno mañaqueqa allapa allim; y salbacoq  
Diosnintsicpis cushicunmi. 4 Pëqa munan llapan nunacuna salbacuyänantam,  
y rasonpa caq yachatsiquicunata musyayänantam.

Lucas 22:31 Tseno nirirnam, nerqan: —Simon, Simon, diablum Diosta  
mañacushqa, qamcunapa marcäquiniquicunata imeca trigu wauyaqno  
probananpaq.

Zacarías 3:1,2 - Judas 1:9 Arcanjel Miguelpis Moisespa ayanta diabluwan  
qochinacur, manam diabluta llutanpaqa tratargantsu; sinoqa, “¡Qamtaqa  
Diosmi piñapäshunqui!” nerqanllam.

Efesios 6:12 Noqantsicqa manam nuna puratsu pelyecantsic, sinoqa mana  
ricanqantsic puedeq supécunawanmi, diabluwanmi y tse diablupa  
mandaduncuna ruraq demoniucunawanmi. Pecunam jinantin munducho  
nunacunata llutanta ruratsiquican.

Efesios 6:10,11 Cananqa, wauqicuna panicuna, callpata tsariyë Jesucristuman  
marcäcur. Pepa podernenqa allapa jatunpam. 11 Teyta Dios qoyäshonquequi  
llapan armacunawan cuidacuyë. Tsemi alli firmi tsaracuyanqui diablupa  
engaňunman mana ishquiyänequipaq.

Efesios 6:13-17 Tsemi Teyta Dios qomashqantsic llapan armacunawan prebinicur  
listu quecayë, mana alli tiempucuna chämuptin alli firmi tsaracuyänequipaq. Y  
tseno prebinicushqataqa mananam bensiyäshunquinatsu. 14 Tserecur rasonpa  
caqcho tsaracuyë imeca tseqllequicuna alli watashqa cuenta. Alli  
rureniquicunana catsun imeca fierupita chalecu cuenta. 15 Imeca juc soldadu  
botasnin yacacurcur, imepis listu quecaq cuenta, qamcunapis listu quecayë  
nunacunaman alli willaquita willapäcoq jeqariyänequipaq, tsenopa shumaq  
cawaquichona nunacuna cayänanpaq. 16 Y marcäquiniquicunana escudu  
cuenta quecatsun diablupa flechan mana imanayäshunequipaq. 17 Cascu  
cuenta catsun salbasionniquicuna. Y soldadupa espadan cuentana catsun  
Santu Espiritu cäyitsiyäshuptiqui yachatsicuyanquequi Diospa palabran.

Hebreus 4:12 Diospa palabranqa cawatsicoq palabra carmi, allapa poderyoq. Y  
ishcan ladupa cösa afilashqa espadanoran yarpenintsicmanpis,  
shonquntsicmanpis charcun imano canqantsictapis musyatsimänantsicpaq.

Lucas 4:8 Tsenam Jesus nerqan: —¡Quepeq yarqí, diablu! Diospa palabranmi  
escribirëcan: ‘Diosllatam adoranequeqa y sirwinequeqa’ nir.

Efesios 6:18 Santu Espiritupa yanapeninwan mana qonqeta imepis Teyta  
Diosman mañacur rogacuyë. Mäcoq mäcoqla llapan creyicoqcunapaq mana  
qonqepa mañacuyë.

1 Samuel 17:45-47 - David & Goliath

Lucas 10:17-20 Tsepitanam qanchis chunca ishque (72) ewaqcuna allapa  
cushishqa cutirirnin, Jesusta willayarqan: —Teyta Jesus, asta supécunapis  
cäsuyämashqam jutiquicho mandayaptí —nir. 18 Jesusnam nerqan: —Aumi,  
imeca rayunoraq rara sielupita diablu jeqamoqtam ricarqö. 19 Noqam  
podernüta qoyarqoq diablupa llapan puedeq queninta bensiyänequipaq,  
tsenolla culebracunatapis, atoq curucunatapis jalucacharcuyänequipaq; y  
manam ni ima pasayäshunquitsu qamcunata. 20 Peru supécuna tseno  
cäsuyäshonqeiquitaqa, ama cushiyëtsu; antis sielucho jutiquicuna apuntashqa  
canqanta masqa cusicuyë.

2 Corintios 10:3-5 Anirpis nunallam cantsic, peru manam quiqntsicpa  
callpantsicwantsu pecunata areglashun. 4 Antis quiqntsicpa callpantsicpa  
rantinmi Diosnintsicpa callpanwan areglashun. Tse callpaqa ima  
puedeqcunatapis usharinmi. Tse callpawanmi tse ulicur acusacuyanqanta  
usharishun. 5 Tsenolla ushalishun Teyta Diosman creyicuyänanta pantatseq  
musyaq tuquinincunatapis. Noqancunaqa Diosnintsic yanapayämaptinmi  
yachatsicuyä, nunacuna llapan yarpenincunacho, Teyta Jesucristu  
munanqannolla peta cäsucur cayänanpaq.

2 Timoteu 1:7 Manam pitapis mantsacunantsicpaqtsu Teyta Diosnintsicqa Santu  
Espiritunta qomashqantsic; sinoqa mana mantsacushpa alli willaquininta  
pitapis willapänantsicpaqmi, pi metapis cuyanantsicpaqmi, y alli pensecur  
imatapis ruranantsicpaqmi.

Mateo 12:28,29 Antis Santu Espiritu yanapamaptin supécunata qarqunqäta  
ricarmi musyariyanqui Diospa mandaquinin qamcunaman chäramonqanta.”  
29 Beelzebupita mas puedeq canqanta cäyitsirmi. Jesus queno nerqan: “Juc  
callpayoq nuna wayinta täpecaptenqa, manam manaraq peta pancarqa pipis  
imantapis suwanmantu. Pancarirran imecancunatapis apacunman.

Efesios 1:13 Tsenollam qamcunapis salbasionpaq rasonpa caq alli willaquita  
wiyarirnin, Jesucristuman creyicuyarqonqui. Tsemi peman  
marcäcuyanqequirecur äniyäshonqequi Santu Espiritunta chasquirir,  
señalashqa cuenta quecayanqui pellapaqna cayänequipaq.

Hechos 19:6 Pablu maquinta pecunaman churar bendisiptinnam Santu Espirituta  
chasquiriyarqan. Tsenam juclaya idiomapa parlayarqan, y Dios parlamoqnomi  
parlarpis qallecuyarqan.

Marcos 16:15-18 Tsepitanam queno nerqan: —Jinatin marcacunapa ewarnin,  
llapan nunacunata que alli willaquinäta willayanqui. 16 Pipis tseta creyirrin,

bautisacorqa salbaconqam; mana creyicoq caqqa condenaconqam. 17 Noqaman creyicoqcunaqa que milagrucunatam rurayanqa: Poderniwanmi supëpa munenincho caquicaq nunacunata librayanqa, mana yachayanqan parlecunatam parlayanqa, 18 biborapis tsariyaptin manam imanayanqatsu, y benenuta upurcatsiyaptinpis, manam wanuyanqatsu. Tsenollam qeshyaqcunaman maquincunata churarnin cachacäratsiyanqa.

1 Juan 1:9 Peru Diosta jutsantsiccunata willarqa, marcäcuntsicmi pëqa imepis allapa alli ruraq car, jutsantsiccunapita perdonecamänantsicta. Y llapan mana alli ruranqantsicpitam limpiamäshun.

Salmu 109:17 - Santiagu 3:10 Jina tse shimintsicllam agradesicur allicunata parlan, y lluta mana allicunatapis parlecan. Wauqicuna y panicuna, ama tsenoqa cashuntsu;

Jueces 16:16 - 2 Pedru 2:7,8 Peru tse marcacho Lot jutiyoq nunallatas  
Diosnitsic libranaq. Peshi alli nuna car, allapa llaquicunaq tse mana alli nunacuna penqaquipaq cawayashqanta ricar. 8 Tse alli nunash pecunapa marcancunacho tärarnin, waran waran mana alli rurayashqancunata ricar, shonquncho nanatsicur allapa llaquicunaq.

Efesios 4:26 Piñacurpis, ama jutsa ruremanqa ishquiyyetsu. Ama inti jeqanqanyaqqa piñashqallaqa cacuyëtsu.

Romanos 14:12 Tsenomi Diosta quiquintsic llapan rurashqantsicpita cuentata qoshun.

1 Juan 2:23 Llapanpis Jesus Diospa Tsurin canqanta negaqcunaqa manam Dios Yayata reqiyantsu; peru Jesucristupaq biennin willacoqcunaqa Dios Yayawanmi quecayan.

Juan 14:6 Jesusnam nerqan: —Noqam näni cuenta cä. Rason caqta willacoqmi cä. Jina caweniquicunapis noqam cä. Y noqaman marcäcurlam pipis Dios Yayaman chäyanqa.

Mateo 11:28-30 Tsepitanam nerqan: “Llapequipis utishqa y llaquishqa carnenqa, noqaman shayäm. Shayämuptiqueqa, noqam jamaratsiyashqeque. 29 Imeca yugucho noqalla arsuta apaq cuentam qamcunawan purishun. Noqam qollmi shonqu car y umildi car, llapan nacaquiniquicunapita jamaratsiyashqeque. 30 Noqapa yugoqa manam lasantsu. Yanapayäpteq ancashllam canqa.”

2 Corintios 6:2 Pemi queno nimantsic palabrancho: “Alli tiempuchomi mañaquiniquita wiyarqoq, y salbaqui junaqcunachomi yanaparqoq” nir. Tsemi noqapis niriyaq: Mañacuyaptiqueqa, canantämi Teyta Diosnitsic salbecuyäshunqui.

Romanos 10:13 Tseno cananpaqmi Diosnitsicpa palabranpis queno escribirëcan: “Diosman clamacoq caqcunaqa salbacuyanqam” nir.

Éxodo 20:5 - sin cursed to 3 & 4 generations